

AUGLÝSING

99

30. júní

um breyting á gjaldskrá rafveitu Hafnarfjarðar.

Heimilt skal rafveitunni að hækka gjöld samkvæmt gjaldskrá rafveitunnar um 1% — einn af hundraði — fyrir hver 4 stig, er verðlagsvisitala er umfram 100.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 30. júní 1942.

F. h. r.

Vigfús Einarsson.

Páll Pálmason.

REGLUGERÐ

100

3. júlí

um breyting á reglugerð um iðnaðarnám, nr. 38 29. marz 1941.

1. gr.

Í 1. gr. A., á eftir „beykisiðn“ komi: bifreiðasmíði. Á eftir „prentiðn“ komi: prentmyndaljósmýndun, prentmyndasmíði. Á eftir „úrsmíði“ komi: útvarpsvirkjun. Í B-lið sömu greinar falli burt: prentmyndamótarar, prentmyndatökumenn.

2. gr.

Í 12. gr., á eftir „beykisiðn“ komi: bifreiðasmíði. Á eftir „úrsmíði“ komi: útvarpsvirkjun.

3. gr.

Í 13. gr., á undan tölulið 2. „Bifvélavirkjun“ komi nýr töluliður:

3. Bifreiðasmíði.

Nemandi skal velja með drætti eitt atriði úr hverjum neðanskráðra flokka og framkvæma þau atriði, sem hann dregur. Auk þess skal hann sýna kunnáttu sína í rafsúðu og logsjóða saman tvær 1 m/m þykkar járnplötur, er séu að minnsta kosti 50 cm á hvern veg.

1. flokkur:

- Smíða staf í bogna hurð.
- Smíða bita í þak.
- Setja saman eitt hurðarhorn.

2. flokkur:

- Smíða járnklofa, er tengi framstykki við undirvagn.
- Smíða járnbeygju, er tengi framstykki við hlið.
- Smíða stykki í völtuás.
- Leggja járn á gluggahorn.
- Kúpa 1 m/m járnplötu.
- Smíða upp og breyta aurhlífum.

100

3. júlí

3. flokkur:

- a. Líma gúmmí á sætisramma og klæða sætið með dúk.
- b. Leggja raflögn í þak með tilheyrandi rofa.
- c. Skera og slípa hreyfanlega rúðu.

Tölusetning iðngreina í 13. gr. breytist vegna þessarar viðbótar og verður síðasta talan 30. Veggfóðrun.

13. iðngrein: Málun, sem verður 14. iðngrein, breytist þannig:

- a. Síðasta setning orðist svo: Prófflötinn skal gljálakka eða lakka hann með móðublæ.
- b. Upphafið orðist svo:

Nemandinn skal mála flöt (pappír strengdan á ramma) $1 \times 1,5$ m að stærð, með ógljáðum olíulit eða olíumáli, lökkudu með móðublæ, o. s. frv.

16. iðngrein: Myndagerð, verður 17. iðngrein, b- og c-liðir orðist þannig:

b. Prentmyndasmíði:

Nemandi skal grafa myndir í zink eða eir, punktamyndir fyrir mynda-pappír og grófari pappír, og punktalaus mynd (strikmynd), bæði með einum lit og allt að fjórum litum. Skal hann skila sýnishornum af myndunum og plötunum tilbúnum til prentunar.

c. Prentmyndaljósmýndun:

Nemandi skal ljósmynda punktamynd og strikmynd (teikningu), bæði með einum lit og allt að fjórum litum. Einnig skal hann framleiða (framkalla) myndirnar og færa (kopiera) þær á zink eða eir.

Nemandi skal vera fær um að undirbúa ljósmyndaplötur og geta gert munnlega grein fyrir meðferð þeirra efna, er starfinu tilheyra.

17. iðngrein: Netagerð, sem verður 18. iðngrein, orðist svo:

Nemandi skal gera eftirlíkingu (model) af botnvörpu og teikna og gera eftirlíkingu af sildarnót. Stærð eftirlíkinganna ákveða prófdómendur.

20. iðngrein: Rafmagnsiðn, verður 21. iðngrein. Aftan við b-lið komi nýr liður, svo hljóðandi:

- c. Útvarpsvirkjar skulu setja upp útvarpsviðtæki með loftneti og grunntengingu, gera við 3 viðtæki (eitt fyrir rafhlöður, eitt fyrir rakstraum og eitt fyrir riðstraum) og teikna í aðaldráttum straumrásarmynd í tækin og gera grein fyrir byggingu þeirra og orsökum bilana, framkvæma deyfingu útvarpstruflana frá ákveðnum raforkuvirkjum, sýna að þeir hafi nægilega þekkingu í rafmagnsfræði, útvarpsfræði og hljóðfræði, til þess að geta framkvæmt hvers konar mælingar og viðgerðir á flóknum útvarpsviðtækjum, sem nauðsynlegar eru til þess að koma þeim í fullkomið lag, enn fremur að þeir þekki gildandi lög og reglugerðir, er varða útvarps- og loftskeytataeki.

4. gr.

Í 25. gr. 4. „Iðnteikning“ komi í upphafi f-liðs, á undan „bifvélavirkjar“: Bifreiðasmiðir. Á eftir s-lið komi nýr liður: t. Útvarpsvirkjar teikni mismunandi viðtækjahluti ásamt tengingum þeirra.

Reglugerð þessi er sett samkvæmt lögum nr. 100 11. júní 1938, um iðnaðarnám, öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 3. júlí 1942.

Magnús Jónsson.

Vigfús Einarsson.